

中國方志叢書·華北地方·第三四三號

據清·許協修·謝集成等纂
清·道光五年刊本
影印

甘肅省

鎮番縣志
(二)

成文出版社有限公司印行

中華民國五十九年 月臺一版

鎮番縣志

全二冊

發行人：**黃 成 助**

台北郵政信箱二二六〇五號
出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**
和平西路二段70巷83弄29號

內政部登記證內版台業字第一一四七號

重修鎮番縣志卷之七

宦蹟列傳

唐

郭振字元震魏州貴鄉人嗣聖十八年突厥吐番聯兵
寇涼州拜元振爲涼州都督初州境輪廣不過四百
里寇來必至城下百姓苦之元振始於南硤口置和
戎城北積置白亭軍控制要路遂拓境千五百里自
是州無寇患又令甘州刺史李漢墾置屯田盡水陸
之利舊粟麥斛錢至數千文至是一縑糴數十斛糧

支數十年鎮涼五載善撫御番夷畏慕神龍中遷安
西大都護突厥欵塞願和睿宗立召爲大僕卿將行
安西番長有哭送者先天元年爲朔方軍大總管後
封代國公

明

馬得順天遵化人以渡江功陞指揮同知永樂三年調
鎮番禦寇白鹽池陣亡遂世職鎮番焉

吳輔鳳陽陸安人永樂五年調鎮番涼州叛寇元保圍
城甚急輔登陴捍守四十餘日賊始解圍去城賴以

全襲指揮職

方賢鳳陽定遠人永樂八年以征飲馬河答蘭那木哥兒功陞指揮使調鎮番

彭鉉江南鳳陽府虹縣人父成洪武元年從征太原二年授百戶四年授世襲百戶八年授千戶十八年授世襲指揮僉事旋擢都指揮同知以父廕遷授鎮番衛指揮僉事永樂八年從征本牙失里有功宣德元年陞陝西行都司指揮僉事正統元年調補鎮番城守營守備爲王府儀賓是年又率兵征魚海番賊生

擒把孫歹等三十餘口衆服其勇修築邊垣地方賴
之後以指揮僉事世職鎮番因家焉

李忠北直小興州人洪武三十五年積功陞授廬州衛
指揮同知永樂元年從征本雅失里擊敗阿魯臺有
功遷指揮使宣德四年調鎮番衛掌印指揮授衛守
備昭勇將軍至是始居鎮番焉

張玉欒州人指揮宣德十年與阿台戰陣亡賜祭贈懷
遠將軍

王雄安定人千戶與張玉同時陣亡賜祭

孟成浙江寧波人以總旗調鎮番天順二年隨武平伯陳友遇賊於衛境四壩血戰獲捷諸番畏服邊患以安陞授百戶

趙英字廷傑狄道人幼武勇景泰初任臨洮衛指揮使尋陞陝西都司指揮僉事協守涼州於鎮番抹山斬獲羌首千餘級陞右軍都督府同知充涼州總兵成化十三年鎮番衛訓導周琮請建學宮英區畫土木力爲多焉

劉傑守備清子成化時由世襲指揮僉事爲衛守備時

邊衛不興文教詔令國子分發各衛傑從弟璽臨洮
佳士傑薦於學使聘至開館延生儒數百人互相砥
礪鎮邑文風由是日振焉璽見僑寓傳

周琮山西翼城人成化十二年首任鎮番衛訓導蒞官
八年建修學宮教士有法文風大振至今頌之

李愷莊浪人以指揮授鎮番營叅將正德六年率千戶
孟清百戶李楫等克敵於衛境柳條灣拓地數百里
民受其賜

甘禎西寧人鎮番衛城守守備嘉靖九年流賊乘間剽

掠禎率兵出贛草湖禦敵大破之

徐彥章

人鎮番衛城守守備嘉靖十五年禦寇於

鹹柴堆殲厥渠魁餘黨悉平

汪廷佐甘州人隆慶元年由指揮擢鎮番叅將萬歷三年都御史侯東萊奏請以磚砌城廷佐與其勞躬環版築繕修完固後陞甘州副總兵

葛賴甘州人萬歷二十三年授鎮番叅將從總兵達雲

破青海松山諸寇屢著戰功與王允中皆推一時驍將後加副總兵職銜

王允中山丹人萬歷中青海寇大掠鎮羌古城諸堡允
中從副總兵柴國柱擊走之三十四年擢鎮番叅將
後官甘州總兵

柴時華字維寰西寧人左都督國柱子驍勇有父風天
啟中以蔭補蔡旗堡守備營政整肅與士卒同甘苦
以蔡旗堡爲涼鎮孔道數被套虜侵掠因捐俸金修
葺城垣又額外買設營馬百餘頭以爲戰備自是虜
不敢入寇民賴以安嘗於一年內三援鎮番而俱獲
功最所至深入虜穴務以身先嗣海酋蠢動率兵應

援敵聞風遠竄其生平先威奪人多類此崇正元年
當道以時華有將才調甘肅鎮標去官時民無老穉
咸遮道挽留之後官至甘肅鎮總兵

見明史

王從諫字納忠仙堤人勇畧過人官蔡旗堡守備都指
揮同知萬歷中套虜屢侵堡境爲居民患從諫爲之
築城浚壕建營房修墩汛絕套虜出入兵民賴之後
遷阿壩嶺都司

官惟賢甘州人天啟二年以都司僉書署鎮番叅將事
歷宣府遊擊延綏西路叅將仍移鎮番時西河汎濫

惟賢修築隄防民賴其利五年春河套松山諸部入
犯惟賢偕叅將丁孟科大敗之明年春班記刺馬臺
吉復糾松山銀定歹成及矮木素三兒臺吉以三千
騎來犯惟賢再敗之三兒臺吉被創死進惟賢副總
兵其冬銀定等以三兒之死挾憤圖報益糾河套土
巴臺吉等分道入掠惟賢及鎮將徐永壽等亦分道
拒之十七年春銀定賓兔矮木素班記刺麻合土賣
火力赤等由黑水河入惟賢及西路副將陳洪範大
破之崇正元年調山海北路副總兵後戰沒於陣

見明史

相希尹山西蒲州人由武進士授鎮番叅將天啟七年
飛沙擁城躬率軍夫多方堵禦民忘其勞歷陞涼州
副總兵休致後明末闖變被執不屈闖賊死之

趙御字竣甫允吾人天姿卓犖勇冠一時崇正元年授
蔡旗堡守備是年七月套虜犯重興堡御同中軍千
總甄陶彥率兵禦之八月虜復出犯三岔紅水河御
率兵拒戰師稍北被圍數重御手刃二酋挺戈躍馬
衝突而出虜旋遁去御嘗捐俸金糴義糧三十餘石
分給墩軍使儼防守以故每有虜警咸爭爲用命焉

六年夏擢寧夏洪廣營遊擊

國朝

龐應奇靖遠人性剛烈不撓順治五年署鎮番營中軍
守備戰歿於陣妻董氏自縊殉節

王萬成定邊人順治五年逆獮掠隴西隨總督孟喬芳
勦獮有功六年授鎮番叅將訓練有方每遇敵流矢
貫肘及頰畧無回撓軍中莫不驚其膽勇後調江西
建昌叅將旋擢浙江寧波副將

劉篤生江南人順治六年由武進士授鎮番衛掌印守

備豁免荒糧勸民開墾鎮人至今賴之

王三華四川資陽人鎮番叅將康熙元年建西城樓修葺隍垣先是城被沙淤半就傾圯三華督令搬運沙患以平又善恤兵愛民恩威並濟遇孤貧輒推解不吝

張我興鎮番衛教授康熙三年同邑紳孟良允何斯美等捐修文廟學宮稱幹才

張宏亮直隸保定人由武舉授鎮番衛守備康熙元年捐修衛署文廟學宮

童振京衛人康熙三十八年授鎮番衛守備繼宏亮復修衛署著有勞績

陳應啟漢軍鎮番衛叅將勇敢有材能後禦敵中傷卒
陳宏訓江南潁州人鎮番衛經歷好士愛民不矜苛察
舊例有尖斛鼠耗看糧諸陋規悉革除之又舊例收
糧屬經歷催比屬衛惟更名糧收比槩屬經歷時民
戶多流亡宏訓以權宜賑給散而復歸者甚衆後年
老告歸

楊惺山西人鎮番衛叅將愛恤士卒凡有益於軍民者

以力任之去官時老幼皆遮道挽留焉

林芳浙江人鎮番衛千總寬仁簡易士民感戴時徵比草束俱屬干總芳不事繁刑民無逋欠後歿於衛

朱俊江西南昌人鎮番衛掌印守備爲政寬厚不事更張重學校輕刑罰士民安之

金黎相江南人由武舉授鎮番衛掌印守備立法平允不自尊嚴而人咸起敬民有訟者輒勸諭之地方藉以靜謐

霍煜直隸遵化人鎮番衛叅將謙恭下士待軍民尤寬